

**JAVNA USTANOVA  
«DOM ZDRAVLJA»  
ZAVIDOVIĆI  
-UPRAVNI ODBOR-**

Broj:01-1.05-2965/21

Datum:27.9.2021. godine

Na osnovu člana 69. stav 1. tačka b) i stava 2. tačka d), a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 15. sjednici održanoj dana 27.09.2021. godine, donosi

**ODLUKU**  
o poništenju postupka javne nabavke

**Član 1.**

PONIŠTAVA se postupak javne nabavke broj: **638-1-2-274-3-27/21** od 30.07.2021. godine za nabavku usluga **KREDITNOG ZADUŽENJA- OVERDRAFT KREDIT u iznosu od 800.000,00 KM** za JU «Dom zdravlja» Zavidovići za period od 12 mjeseci, iz razloga nijedna od primljenih ponuda, odnosno jedina primljena ponuda ponuđača **Bosna Bank International d.d. Sarajevo** nije prihvatljiva.

**Član 2.**

Ova odluka stupa na snagu danom donošenja.

**Obrazloženje**

Obavještenjem o nabavci broj: 638-1-2-274-3-27/21, koje je objavljeno na portalu javnih nabavki dana 30.07.2021. godine i u “Službenom glasniku BiH”, broj: 50/21, dana 06.08.2021. godine, pokrenut je otvoreni postupak za nabavku usluga **KREDITNOG ZADUŽENJA- OVERDRAFT KREDIT** u iznosu od 800.000,00 KM za JU «Dom zdravlja» Zavidovići.

Tendersku dokumentaciju za predmetnu nabavku sa portala javnih nabavki preuzelo je 9 ponuđača i to: **KOMERCIJALNA BANKA AD BANJA LUKA, EKAPIJA DOO, BBS EUROPE, NOVA BANKA AD BANJA LUKA, UNICREDIT BANK D.D., ASA BANKA D.D. SARAJEVO, INTESA SANPAOLO BANKA D.D. BOSNA I HERCEGOVINA, SPARKASSE BANK DD i BOSNA BANK INTERNATIONAL DD SARAJEVO.**

Na adresu JU “Dom zdravlja” Zavidovići dostavljena je jedna ponuda i to: **Bosna Bank International d.d. Sarajevo.**

Komisija za javne nabavke izvršila je otvaranje ponuda 20.08.2021. godine u Sali za sastanke JU «Dom zdravlja» Zavidovići u 09:15 sati, kao što je naznačeno u tenderskoj dokumentaciji i obavještenju o nabavci.

Nakon pregleda dostavljene ponude utvrđeno je da ponuda ponuđača **Bosna Bank International d.d. Sarajevo** nije prihvatljiva, jer ne **ispunjava zahtjeve iz tenderske dokumentacije**.

Tenderskom dokumentacijom, broj: 01-2.12-2329/21 od 30.07.2021. godine, u tački III-USLOVI ZA KVALIFIKACIJU, podtačka „1. Lična sposobnost (član 45. Zakona o javnim nabavkama)“, propisano je da je ponuđač, u svrhu dokaza o ispunjavanju uvjeta lične sposobnosti (član 45. stav 1. Zakona), dužan, u ponudi, dostaviti izjavu ovjerenu kod nadležnog organa (sud, notar ili općina), u formi i na način koji propisuje Agencija za javne nabavke, tj. na Obrascu Izjave o ispunjenosti uvjeta iz člana 45. stav (1) tač. a) do d) Zakona, koji je sastavni dio tenderske dokumentacije u obliku Priloga/Aneksa br. 4.

Dalje u Tenderskoj dokumentaciji je propisano da Obrazac Izjave o ispunjenosti uvjeta iz člana 45. stav (1) tač. a) do d) Zakona, potpisuje ovlašteno lice/zastupnik ponuđača ili lice koje on ovlasti u kojem slučaju se mora priložiti punomoć uz ponudu. Također, Tenderskom dokumentacijom je propisano da će ponuđač biti isključen iz daljnjeg učestvovanja u postupku javne nabavke, zbog neispunjavanja navedenog uvjeta za kvalifikaciju, ukoliko se u ponudi ne dostavi navedena Izjava, na način na koji je traženo.

Ponuđač Bosna Bank International d.d. Sarajevo, u svojoj ponudi, dostavio je Ovjerenu izjavu o ispunjenosti uslova iz člana 45. stav (1) tačke a) do d) Zakona o javnim nabavkama od 18.08.2021. godine - Aneks 4 – ovjerena 18.08.2021. godine, čiji je potpisnik privremeni član Uprave Banke, Nedžad Gušić.

Tenderskom dokumentacijom, u tački IV -PODACI O PONUDI, podtačka “1. Sadržaj ponude i način pripreme ponude”, pod stavkom “1)”, traženo je i dostavljanje sljedećeg dokaza:

“1) Potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji-**poseban dokument u kojem će biti navedeno koje lice potpisuje predmetnu ponudu**“.

Ponuđač Bosna Bank International d.d. Sarajevo, u dostavljenoj ponudi priložio je “Izjavu ponuđača o ovlaštenim potpisnicima ponude, od 18.08.2021. godine”, u kojoj je navedeno da su ovlašteni potpisnici ponude: “Nedžad Gušić, privremeni član Uprave Banke i Emina Šišić, V.D Predsjednika Uprave Banke”.

Uvidom u “Aktuelni izvod iz sudskog registra br.065-0-RegZ-21-004989 od 01.06.2021. godine – ovjerena fotokopija od 09.08.2021. godine”, dostavljen u ponudi, utvrđeno je da pravo zastupanja subjekta upisa imaju predsjednik uprave banke – zajedno sa jednim od članova Uprave bez ograničenja ovlaštenja, te članovi uprave banke – sa ograničenjem da mogu izvršavati transakcije i stvarati obaveze samo zajedno sa nekim od drugih ovlaštenih potpisnika.

Nadalje, uvidom u dostavljenu “Odluku o imenovanju privremenih članova Uprave Banke, broj: 1391/21 od 30.06.2021. godine – ovjerena fotokopija od 13.08.2021. godine”, utvrđeno je da je Gosp. Nedžad Gušić, imenovan za privremenog člana Uprave Banke na period od 90 dana, počevši od 01.07.2021. godine, te da navedenom Odlukom nije regulisano pitanje prava zastupanja, dok je uvidom u dostavljenu “Prijavu za registraciju u Općinskom sudu u Sarajevu, od 02.07.2021. godine – ovjerena fotokopija od 13.08.2021. godine”, u dijelu koji se odnosi na lica ovlaštena za zastupanje subjekta upisa, utvrđeno kako

položaj lica pod imenom Nedžad Gušić, glasi: “privremeni član Uprave Banke kao rukovodilac segmenta bankarskog poslovanja sa pravnim licima (Corporate Banking)”, te se kao obim ovlaštenja navodi: “Sa ograničenjem da može izvršavati transakcije i stvarati obaveze samo zajedno sa nekim od drugih ovlaštenih potpisnika”.

Imajući u vidu izneseno, lice koje je potpisnik Obrasca Izjave o ispunjenosti uvjeta iz člana 45. stav (1) tač. a) do d) Zakona (u obliku Priloga/Aneksa br. 4), ne može se smatrati ovlaštenim licem za samostalno potpisivanje navedenog dokumenta, a kako u ponudi nije dostavljen niti poseban prilog kojim bi se imenovanom dalo takvo ovlaštenje, pomenuti dokument (dostavljeni Obrazac Izjave o ispunjenosti uvjeta iz člana 45. stav 1. tač. a. do d. Zakona – Aneksa 4) ne može se prihvatiti kao valjano dostavljen dokaz u ovom postupku javne nabavke.

Kako je u Tenderskoj dokumentaciji propisano da Obrazac Izjave o ispunjenosti uvjeta iz člana 45. stav (1) tač. a) do d) Zakona (u obliku Priloga/Aneksa br. 4), potpisuje ovlašteno lice/zastupnik ponuđača ili lice koje on ovlasti u kojem slučaju se mora priložiti punomoć uz ponudu, te da će ponuđač biti isključen iz daljnjeg učestvovanja u postupku javne nabavke, zbog neispunjavanja navedenog uvjeta za kvalifikaciju, ukoliko se u ponudi ne dostavi navedena Izjava, na način na koji je traženo, dostavljanje Obrasca Izjave o ispunjenosti uvjeta iz člana 45. stav (1) tač. a) do d) Zakona - Aneksa br. 4 na opisani način, razlog je isključenja iz daljnjeg učestvovanja u postupku javne nabavke, usljed čega je **predmetna ponuda ocijenjena neprihvatljivom.**

Uvidom u dostavljenu Ovjerenu izjavu o ispunjenosti uslova iz člana 45. stav (1) tačke a) do d) Zakona o javnim nabavkama od 18.08.2021. godine - Aneks 4 – ovjerena 18.08.2021. godine, utvrđeno je da obrazac Aneksa 4 nije ispunjen u cjelosti, tj. ponuđač nije popunio rubriku u koju se upisuje broj Službenog glasnika BiH u kojem je objavljeno obavještenje o javnoj nabavci, ali pomenuti propust Komisija za javne nabavke smatra manjim propustom koji, po ocjeni Komisije, samostalno ne bi uticao na valjanost ponude.

Također, Tenderskom dokumentacijom, broj: 01-2.12-2329/21 od 30.07.2021. godine, u tački III-1. OSTALI USLOVI ZA KVALIFIKACIJU - podtačka „5. Diskvalifikacija po osnovu sukoba interesa ili korupcije“, propisano je da je svaki kandidat/ponuđač dužan uz ponudu dostaviti i posebnu Pismenu izjavu iz člana 52. Zakona o javnim nabavkama, ovjerenu kod nadležnog organa (sud, notar ili općina), da nije nudio niti učestvovao u bilo kakvim radnjama koje za cilj imaju korupciju u predmetnoj javnoj nabavci, čiji obrazac je sastavni dio ove tenderske dokumentacije u obliku Priloga/Aneks br. 8.

Dalje u Tenderskoj dokumentaciji se navodi da Obrazac Pismene izjave iz člana 52. Zakona o javnim nabavkama potpisuje ovlašteno lice/zastupnik ponuđača ili lice koje on ovlasti u kojem slučaju se mora priložiti punomoć uz ponudu.

U Tenderskoj dokumentaciji, u tački III-1. OSTALI USLOVI ZA KVALIFIKACIJU - podtačka „5. Diskvalifikacija po osnovu sukoba interesa ili korupcije“, istaknuto je:

„Ponuđač će biti isključen iz daljnjeg učestvovanja u postupku javne nabavke, ukoliko se u ponudi ne dostavi navedena Izjava iz člana 52. Zakona -Aneks br. 8., na način na koji je traženo.”

Ponuđač Bosna Bank International d.d. Sarajevo, u svojoj ponudi, dostavio je Pismenu izjavu ponuđača iz člana 52. Zakona od 18.08.2021. godine – ovjerena 18.08.2021. godine, čiji je potpisnik privremeni član Uprave Banke, Nedžad Gušić.

Uvidom u “Aktuelni izvod iz sudskog registra br.065-0-RegZ-21-004989 od 01.06.2021. godine – ovjerena fotokopija od 09.08.2021. godine”, dostavljen u ponudi,

utvrđeno je da pravo zastupanja subjekta upisa imaju predsjednik uprave banke – zajedno sa jednim od članova Uprave bez ograničenja ovlaštenja, te članovi uprave banke – sa ograničenjem da mogu izvršavati transakcije i stvarati obaveze samo zajedno sa nekim od drugih ovlaštenih potpisnika.

Nadalje, uvidom u dostavljenu “Odluku o imenovanju privremenih članova Uprave Banke, broj: 1391/21 od 30.06.2021. godine – ovjerena fotokopija od 13.08.2021. godine”, utvrđeno je da je Gosp. Nedžad Gušić, imenovan za privremenog člana Uprave Banke na period od 90 dana, počevši od 01.07.2021. godine, te da navedenom Odlukom nije regulisano pitanje prava zastupanja, dok je uvidom u dostavljenu “Prijavu za registraciju u Općinskom sudu u Sarajevu, od 02.07.2021. godine – ovjerena fotokopija od 13.08.2021. godine”, u dijelu koji se odnosi na lica ovlaštena za zastupanje subjekta upisa, utvrđeno kako položaj lica pod imenom Nedžad Gušić, glasi: “privremeni član Uprave Banke kao rukovodilac segmenta bankarskog poslovanja sa pravnim licima (Corporate Banking)”, te se kao obim ovlaštenja navodi: “Sa ograničenjem da može izvršavati transakcije i stvarati obaveze samo zajedno sa nekim od drugih ovlaštenih potpisnika”.

Ponudač Bosna Bank International d.d. Sarajevo, u dostavljenoj ponudi priložio je “Izjavu ponuđača o ovlaštenim potpisnicima ponude, od 18.08.2021. godine”, u kojoj je navedeno da su ovlašteni potpisnici ponude: “Nedžad Gušić, privremeni član Uprave Banke i Emina Šišić, V.D Predsjednika Uprave Banke”.

Imajući u vidu da se lice koje je potpisnik Obrasca pismene izjave o sukobu interesa iz člana 52. Zakona o javnim nabavkama (u obliku Aneksa 8), ne može smatrati ovlaštenim licem za samostalno potpisivanje navedenog dokumenta, a kako u ponudi nije dostavljen niti poseban prilog kojim bi se imenovanom dalo takvo ovlaštenje, pomenuti dokument (dostavljena Pismenu izjavu ponuđača iz člana 52. Zakona od 18.08.2021. godine – ovjerena 18.08.2021. godine) ne može se prihvatiti kao valjano dostavljen dokaz u ovom postupku javne nabavke.

Kako je u Tenderskoj dokumentaciji propisano da Obrazac Pismene izjave iz člana 52. Zakona o javnim nabavkama potpisuje ovlašteno lice/zastupnik ponuđača ili lice koje on ovlasti u kojem slučaju se mora priložiti punomoć uz ponudu, te da će ponuđač biti isključen iz daljnijeg učestvovanja u postupku javne nabavke, ukoliko se u ponudi ne dostavi navedena Izjava iz člana 52. Zakona -Aneks br. 8., na način na koji je traženo, dostavljanje Obrasca pismene izjave o sukobu interesa iz člana 52. Zakona o javnim nabavkama (u obliku Aneksa 8) na opisani način, također je razlog isključenja iz daljnijeg učestvovanja u postupku javne nabavke, usljed čega je **predmetna ponuda ocijenjena je neprihvatljivom.**

Uvidom u dostavljenu Ovjerenu izjavu o ispunjenosti uslova iz člana 45. stav (1) tačke a) do d) Zakona o javnim nabavkama od 18.08.2021. godine - Aneks 4 – ovjerena 18.08.2021. godine, utvrđeno je da obrazac Aneksa 4 nije ispunjen u cjelosti, tj. ponuđač nije popunio rubriku u koju se upisuje broj Službenog glasnika BiH u kojem je objavljeno obavještenje o javnoj nabavci, ali pomenuti propust Komisija za javne nabavke smatra manjim propustom koji, po ocjeni Komisije, samostalno ne bi uticao na valjanost ponude.

Osim navedenog, ponuđač nije dostavio valjano popunjen Nacrt ugovora o nabavci, tj. u isti nije unio sve tražene podatke.

Tenderskom dokumentacijom, u tački V-OSTALE INFORMACIJE, podtačka „3. Nacrt ugovora ili osnovni elementi ugovora“, propisano je:

“Sastavni dio ove tenderske dokumentacije je Nacrt ugovora, u koji su uneseni svi elementi iz tenderske dokumentacije. Ponuđači su dužni uz ponudu dostaviti Nacrt ugovora u koji su unijeli podatke iz svoje ponude.”

U dostavljenom nacrtu ugovora, u predviđenim rubrikama koje se moraju popuniti u članovima 3. i 5., ponuđač je propustio unijeti podatke o ukupnim troškovima iz svoje ponude u maksimalnom iznosu, na 1. stranici nacrtu ugovora, te podatke o kamati (fiksna kamatna stopa), troškovima obrade kredita, fiksnoj efektivnoj kamatnoj stopi u procentu i iznosu iste u KM, sve na 2. stranici nacrtu ugovora.

Obzirom na izneseno, ocijenjeno je da ponuđač nije dostavio valjan dokument nacrtu ugovora u ovom postupku javne nabavke, što je također osnov za isključenje istog iz daljnjeg učestvovanja u postupku javne nabavke i usljed čega je **predmetna ponuda ocijenjena neprihvatljivom.**

Članom 57. (Priprema ponude) stav 1. Zakona o javnim nabavkama ("Službeni glasnik BiH", broj 39/14), propisano je:

„(1) U postupku javne nabavke kandidat/ponuđač pridržava se zahtjeva i uslova iz tenderske dokumentacije.“

Imajući u vidu sve navedeno, Komisija za javne nabavke utvrdila je da **ponuđač Bosna Bank International d.d. Sarajevo nije dostavio ponudu u skladu sa Tenderskom dokumentacijom, te je usljed utvrđenog činjeničnog stanja, ponuda ponuđača Bosna Bank International d.d. Sarajevo odbačena shodno članu 68. stav 1. i stav 4. alineja i) Zakona o javnim nabavkama ("Službeni glasnik BiH", broj 39/14), jer je ponuđač dostavio nepotpune dokaze, te jer ponuda nije potpuna i ne ispunjava zahtjeve iz tenderske dokumentacije.**

Usljed postojećeg činjeničnog stanja, Komisija za javne nabavke predložila je da se poništi postupak javne nabavke usluga **KREDITNOG ZADUŽENJA- OVERDRAFT KREDIT u iznosu od 800.000,00 KM** za JU «Dom zdravlja» Zavidovići, na osnovu člana 69. stav (2) tačka d) Zakona o javnim nabavkama, iz razloga što nijedna od primljenih ponuda, odnosno jedina primljena ponuda ponuđača **Bosna Bank International d.d. Sarajevo** nije prihvatljiva.

Članom 69. stav (2) tačka d) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

S obzirom na naprijed utvrđeno činjenično stanje odlučeno je kao u dispozitivu Odluke.

**PRAVNA POUKA:** Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

**DOSTAVLJENO:**

1. Bosna Bank International d.d. Sarajevo
2. a/a

